



19
(1493)-son
13-may
2021

Хабар

ERUR SEN SHOH, AGAR OGOHSEN SEN,
AGAR OGOHSEN SEN, SHOHSEN SEN.

O'ZBEKISTON RESPUBLIKASI AXBOROT TEXNOLOGIYALARI VA KOMMUNIKATSIYALARINI RIVOJLANTIRISH VAZIRLIGI NASHRI

1992-yil martdan chiqa boshlagan www.xabar.uz

ЭЪТИБОР ВА ЭЪТИРОФ ЭНГ ЯХШИ МОТИВАЦИЯ

МУХАММАД АЛ-ХОРАЗМИЙ НОМИДАГИ АХБОРОТ ТЕХНОЛОГИЯЛАРИ ВА КОММУНИКАЦИЯ ЙЎНАЛИШИГА ОИД ФАНЛАРНИ ЧУҚУРЛАШТИРИБ ЎҚИТИШГА ИХТИСОСЛАШТИРИЛГАН МАКТАБДА 10 МАЙ КУНИ ВИДЕОКОНФЕРЕНЦАЛОҚА ТАРЗИДА ТАДБИР ЎТКАЗИЛДИ.



2

Учинчи ташаббус

ЎҚУВЧИЛАР УЧУН МЕДИАСАВОДХОНЛИК

Аҳоли ўртасида медиасаводхонликни ошириш бўйича Европа Иттифоқи томонидан молиялаштирилган медиалойиҳалардан бири – ўсмир-ёшлар учун медиасаводхонлик дарсларининг илк машғулот бўлиб ўтди. Машғулот Тошкент шаҳар, Шайхонтоҳур туманининг 314-умумтаълим мактабида юқори синф ўқувчлари учун ташкил этилди.

Тренингни Ўзбекистон давлат жаҳон тиллари университети ўқитувчиси, Марказий Осиё минтақасидаги MediaCAMP тадбири доирасида бўлиб ўтган “Эдютон-2021” медиалойиҳалар танлови ғолиби, Ўзбекистон журналистларни қайта тайёрлаш маркази медиа-тренири, журналист Муҳайё Саидова олиб борди.

Лойиҳа мазмун-моҳияти ўсмир-ёшларнинг медиасаводхонлигини оширишга, ахборот асрининг замонавий техника ва технологияларидан унумли ҳамда самарали-фойдаланишларига, ахборот майдонларининг турлари, баъзи ахборотнинг хатарли таъсиридан ҳимояланиш кўникмаларини шахсий тажрибада шакллантиришга қаратилган.

3



Электрон ҳукумат

ҚОНУН ЛОЙИҲАСИ МУҲОКАМАДА

Президентимизнинг 2020 йил 5 октябрдаги “Рақамли Ўзбекистон — 2030” Стратегиясини тасдиқлаш ва уни самарали амалга ошириш чора-тадбирлари тўғрисида”ги Фармони билан “Электрон рақамли имзо тўғрисида”ги Қонуннинг янги тахририни ишлаб чиқиш ва “Электрон ҳукумат тўғрисида”ги Қонунга ўзгартириш киритиш бўйича берилган топшириқлари ижроси юзасидан бугун, 12 май куни Алоқа тарихи музейида Ахборот технологиялари ва коммуникацияларини ривожлантириш вазирлиги, Электрон ҳукумат лойиҳаларини бошқариш маркази “UNICON.UZ” Фан-техника ва маркетинг тадқиқотлари маркази ҳамда тегишли ташкилотларнинг масъул ходимлари иштирокида Қонун лойиҳаларининг муҳокамаси бўлиб ўтди.

Йиғилишни АКТ вазирлиги Электрон хизматларни ривожлантириш бўлими бошлиғи Дилшод Мирзаев очиб, бугунги кунда кўп тизимлар Электрон рақамли имзони қўллаш орқали ишлаб чиқилаётгани, унинг очкилигини, шу билан бирга хавфсизлигини таъминлаш, аҳоли фойдаланганида қулай ишлатишга эришиш каби фикрлари билан ўртоқлашди.

– Биламизки, “Электрон рақамли имзо тўғрисида”ги Қонун илк бор 2003 йил 15 декабрда қабул қилинган. Шу пайтгача қанча ўзгаришлар, ривожланишлар бўлди. Ҳозирги кунга келиб, ҳар битта қонун-тўғридан-тўғри ишлашни тақозо этапти. Яъни замон талаби, тараққиёт, одамлар эҳтиёжи, янги қабул қилинаётган қонунлар, қарор ва фармонлар эскиларини янгилаб, мукаммаллаштириб, бугунга мослаштириш кераклигини кўрсатяпти, – дейди йиғилишда сўз олган “UNICON.UZ” ДУК электрон рақамли имзоларни рўйхатга олиш маркази бошлиғи Нодир Парпиев. – Янги киритаётган тақлифларимиздан бири бу – вақт штами.

2

ШАХСИЙ КОМПЬЮТЕРЛАР ГЛОБАЛ БОЗОРИ

(2021 йил 1-чораги, млн. дона, бозор улуши)

1. Lenovo – 24,0 (19,7 фоиз)
2. Apple – 22,0 (18,1 фоиз)
3. HP – 19,2 (15,8 фоиз)
4. Dell – 13,0 (10,7 фоиз)
5. Samsung – 9,7 (8 фоиз)

Бошқалар – 33,9 (27,8 фоиз)
Жами – 122,1 (100 фоиз)



Манба: STRATEGY ANALYTICS

Мукофотлар муборак бўлсин!

Jumadan
Jumagacha

ЭЪТИБОР ВА ЭЪТИРОФ ЭНГ ЯХШИ МОТИВАЦИЯ

1 ←

Ўзбекистон Республикаси Президенти Шавкат Мирзиёев раислигида 6 май куни чет тилларини ўрганишни такомиллаштириш масалалари бўйича видеоселектор йиғилиши бўлиб ўтди. Унда тизимдаги муаммолар атрофлича таҳлил қилиниб, устувор вазифалар белгилаб олинди ҳамда олий таълим тизимида мутахассислар тайёрлаш масаласига ҳам алоҳида эътибор қаратилди.

Пойтахтимиздаги Ғалаба боғидаги амфитеатрда 9 май – Хотира ва Қадрлаш кунига бағишланган байрам тадбири бўлиб ўтди. Президент Шавкат Мирзиёев “Матонат мадҳияси” ёдгорлик мажмуасига гулчамбар қўйди. Давлатимиз раҳбари Хотира ва Қадрлаш куни ҳамда Иккинчи жаҳон урушида қозонилган Ғалабанинг 76 йиллиги билан барча фахрийларни, бутун халқимизни табриклади.

Президент Шавкат Мирзиёев 10 май куни давлат хизматлари кўрсатиш соҳасидаги ислохотлар натижадорлигига оид тақдимот билан танишди.

2021 йил 11 май куни Олий Мажлис Сенати Раисининг биринчи ўринбосари С.Сафоев бошчилигида Ўзбекистон сенаторларининг Франция Сенати хузуридаги “Франция-Марказий Осиё” парламентларо гуруҳи раиси Э.Морей бошчилигида ушбу гуруҳ аъзолари билан видеоконференцалоқа шаклида учрашуви бўлиб ўтди.

Давлатимиз раҳбари Шавкат Мирзиёев раислигида 12 май куни макроиқтисодий вазият, ҳудудлар ва тармоқларда иқтисодий ўсишни таъминлаш бўйича биринчи ярим йилликдаги устувор вазифаларга бағишланган видеоселектор ўтказилди. Унда айрим тармоқ ва ҳудуд раҳбарлари яратиб берилган имкониятлардан тўлиқ фойдалана олмаётгани танқид қилинди.

Матбуотда Ўзбекистон Республикаси Президенти имзолаган “Хизматлар соҳасини жадал ривожлантириш чора-тадбирлари тўғрисида”ги қарор ҳамда “Иккинчи жаҳон уруши қатнашчиларининг моддий таъминотини янада кучайтириш чора-тадбирлари тўғрисида”ги ва “Рамазон ҳайитини нишонлаш тўғрисида”ги фармонлар эълон қилинди.



Маросимда Алоқа ходимлари кунини муносабати билан Ўзбекистон Республикаси ахборот технологиялари ва коммуникацияларини ривожлантириш вазирлигининг идоравий мукофотларига сазовор бўлган соҳа ходим ва раҳ-

барлари онлайн тартибда иштирок этишди. Марказий студияда эса уларни АКТ вазири Шухрат Содиков табриклади.

– Эътибор ва эътироф инсонни янада яхши ишлашга ундайдиган мотивация, – деди вазир Шухрат

Содиков. – Анъанавий тарзда ҳар йили меҳнатда катта ютуқларга эришган, ҳамкасбларига намуна бўлиб ишлаётганларга вазирликнинг идоравий мукофотлари бериб келинади. Карантин сабабли бу йилги тақдирлаш маросимини ҳам онлайн равишда ўтказяпмиз. Шу синобли даврда алоқачилар бир зум бўлса – да иш фаолиятларини тўхтатганлари йўқ. Соҳа корхона ва ташкилотлари барча йўналишларда тўхтовсиз фаолиятларни олиб боришди. Албатта, бундай пайтда сиз – соҳа ходимлари фидойилик намуналарини кўрсатдингиз ва кўрсатяпсиз. Самарали хизматларингиз учун миннатдорлик билдираман.

Дастлаб, вилоятларда ташкил қилинган студияларда соҳа равнақи йўлида меҳнат қилаётган ходимларга идоравий мукофотлар тантанали равишда топширилди. Сўнгра марказий студияга таклиф қилинганларга АКТ вазири Шухрат Содиков вазирликнинг “Моҳир алоқачи”, “Фахрий ёрлик” ва “Ўз касбининг устаси” мукофотларини топширди.

Маросим якунида меҳмонлар учун АКТга ихтисослаштирилган мактаб бўйлаб экскурсия ташкил қилинди.

Маҳмуд ТУРҒУНОВ, “Радиоалоқа, радиоэшиттириш ва телевидение маркази” ДУК техник директори, “Моҳир алоқачи” фахрий унвони соҳиб:

– Бу йилги касб байрамимиз бир умр ёдимда қоладиган бўлди. Бир гуруҳ алоқа ходимлари қатори менга ҳам Ўзбекистон Республикаси ахборот технологиялари ва коммуникацияларини ривожлантириш вазирлигининг энг юқсак мукофоти – “Моҳир алоқачи” фахрий унвони берилди. Корхонамизда жами олти киши вазирлигимизнинг идоравий мукофотларига сазовор бўлди. Албатта, бундан ғоятда миннатдоримиз. Эътибор учун вазирлигимиз ва корхонамиз раҳбариятига ташаккур билдираман. Тақдирлаш маросимида билдирилган эзгу тилаклар бизни соҳа равнақи йўлида янада самарали меҳнат қилишга ундади, куч-қувват берди.



Хуррам ШАКАРОВА, Тошкент ахборот технологиялари университети Самарқанд филиали кадрлар бўлим бошлиғи, “Фахрий ёрлик” соҳибаси:

– Тақдирлаш маросимида вазирликнинг Фахрий ёрлигини олаётганимда меҳнат фаолиятим бирма-бир кўз олдидан ўтди. Иш фаолиятимни 1982 йили Самарқанд шаҳар қурилиш таъмирлаш бўлимида оддий ишчиликдан бошлаганман. Сўнгра, 1983–2006 йиллар давомида вилоят статистика бошқармаси, “Агроқурилиш таъмирлаш” қўшма корхонаси, Самарқанд давлат архитектура-қурилиш институтида кадрлар бўлимида турли лавозимларда фаолият кўрсатдим.

Меҳнат фаолиятимдаги энг қизгин даврим эса 2006 йилдан бошлаб бутунги кунга қадар ишлаб келаётган Тошкент ахборот технологиялари университети Самарқанд филиалида ўтмоқда, десам адашмайман. Илм кишилари, талаба-ёшлар билан ишлаш мароқли ва унутилмас лаҳзаларга бой.

Эътибор ва эътирофдан бошим кўкка етди. Барча соҳа ходимларини фурсатдан фойдаланиб, ҳайит айёми билан табриклайман.



1 ← ҚОНУН ЛОЙИХАСИ МУҲОКАМАДА

Буни оддий тушунтиришга ҳаракат қиламан. Электрон рақамли имзо ҳам худди анъанавий имзодек юридик кучга эга ва у маълум бир муддатга берилди, масалан, узоғи билан 6 йилгача. Кейин кучини йўқотди. Имзо қўйилган ҳужжат эса архивда туради ва 10–20 йил ўтиб, унга яна мурожаат қилиб қолиш эҳтимоли бор. Шундай ҳолатларда имзонинг қачон қўйилганини тасдиқлаш учун вақт штампини киритишга тўғри келяпти.

Шунингдек, йиғилишда булутли технологиялар, электрон даллол (ишончли учинчи томон), электрон сертификат, ID-карта ичиди ЭРининг ҳам бўлиши каби бир қатор Қонунга киритилиши назарда тутилган лойиҳалар ҳам муҳокама қилинди.

– “Электрон ҳукумат тўғрисида”ги Қонун 2015 йил 9 декабрда имзоланган, 2016 йил 10 июндан кучга кирган. Унинг мақсади электрон ҳукумат соҳасидаги муносабатларни тартибга солиш, – дейди Электрон ҳукумат лойиҳаларини бошқариш маркази директор ўринбосари Азиз Худоев. – Ўзбекистон Республикаси Президентининг 2020 йил 5 октябрдаги “Рақамли Ўзбекистон – 2030” Стратегиясини тасдиқлаш ва уни самарали амалга ошириш чора-тадбирлари тўғрисида”ги Фармони билан “Электрон ҳукумат тўғрисида”ги Қонуни бўйича берган топшириқлари ижроси юзасидан Қонунга қўйидаги ўзгаришлар киритилиши назарда тутилди. Жумладан, асосий тушунчалар рўйхати кенгайтирилиб,

Электрон ҳукуматнинг асосий тамойиллари “шахсга доир маълумотларни ҳимоя қилиш” принципи билан тўлдирилди. Соҳадаги ваколатли органнинг ваколатлари ҳамда Давлат органларининг электрон ҳукумат соҳасидаги ваколатлари рўйхати кенгайтирилди. Қўшимча бта мода киритилди.

Самимий руҳда кечган йиғилишда деярли ҳамма фаол катнашди. Қонун лойиҳаси муҳокамаси савол-жавоблар ва таклиф-мулоҳазалар майдонига айланди. Бу қайсидир маънода бутун тўғридан-тўғри ишлайдиган Қонунларга ахтиёж ортаётганини кўрсатди, десак ҳам бўлади.

Шоҳида ИСРОИЛОВА,
“Xabar” муҳбири

Эъзоз ва эътироф


Қўшалок байрамлар файзи



Хар йили 7 май – Алоқачилар куни 9 май – Хотира ва Қадрлаш куни умумхалқ байрами руҳи билан уйғунлашиб кетади. Бу йил Рамазон ойининг фазилатлари билан янада бошқача файзиёблик билан кечди. Байрамлар арафасида “Ўзбектелеком” АК ҳамда “Ўзбекистон почтаси” АЖ Фарғона филиаллари жамоаларида сидқидилдан меҳнат қилаётганлар ҳамда фахрийлар эъзозландилар.

Шуни мамнуният билан таъкидлаш керакки, “Ўзбектелеком” АК Фарғона филиали жамоаси биринчи чорақда қарийб 15 млрд. 800 млн. сўм даромад олди. Утган йили бу кўрсаткич 9 млрд. 255 млн. сўм бўлган. Ўсиш 171 фоизни ташкил этди. Соҳа юксалишига ўзининг салмоқли улушини кўшиб келаётган 77 нафар ишчи-ходимга филиал Фахрий ёрликлари

ва бошланғич касаб уюшмаси кўмитасининг эсдалик совғалари топширилди. Шунингдек, 48 нафар фахрий ҳолидан хабар олиниб, кўнгиллар обод айланди. “Ўзбекистон почтаси” АЖ Фарғона филиалининг Фарғона шаҳар боғламаси жамоаси ҳам биринчи чорақда 210 млн. сўмлик соф даромад олишга муяссар бўлди. Бир гуруҳ илгор, ташаббускор почтачи-



лар Фарғона шаҳар ҳокимлигининг Фахрий ёрликлари ва филиалнинг совғалари билан тақдирландилар. Бундан ташқари, вилоят бўйича алоҳида ўрнатилган кўрсаткич ишлаган 46 нафар ишчи-ходим ва 44 нафар фахрийга соҳада узоқ йиллар раҳбарлик лавозимларида ишлаган, забардаст алоқачилар қаторида номи тилдан тушмай келаётган марҳум Ўқтамжон Усмоновнинг ўғли Ўткирбек Усмоновнинг 2 млн. сўмликдан зиёдлик совғалари топширилди.

Хафиза САЛЯХОВА,
“Xabar” нинг Фарғона
вилоятидаги мухбири

Учинчи ташаббус

Ўқувчилар учун МЕДИАСАВОДХОНЛИК



Уч соатлик машғулотларда ўқувчилар медиа-трainerларнинг “Медиа нима?”, “СПАМ ва унинг хатарлари” каби сессияларида, “Коммуникация”, “Бу даракда қай бири менман?” номли интерактив машқлари ва “Мобил қурилмада сифатли суратга олишни ўрганамиз” номли амалий дарсларида иштирок этишди ҳамда ўзларини қизиқтирган барча саволларига жавоблар олишди.

Уч соатда ўқувчилар чарчоқ туғайди сессияларни тингламай қўйишди деб ўйлаган эдим. Хар ҳолда, педагог бўлганим билан, мен талабаларга дарс бераман, мактаб ўқувчиларига эмас. Бу икки аудитория ўртасида жуда катта фарқ бор. Талабаларим билим олишдан қўзлаган аниқ мақсади орқали дарсларга қизиқиш билдиради. Мактаб ўқувчиларининг кўпгина қисми эса билим олиш жараёнига мажбурият деб тушунадилар, – дейди Мухайё Саидова. – Лекин тренингимиз давомида, болаларда бироз чарчоқ бўлганлигига қарамай, дарсларни охиригача қизиқиш билан тингладилар. Айниқса, қўл телефони ёрдамида фотосуратга олиш жараёнида жуда фаол иштирок этишди. Ҳатто баъзилари, қўл телефонимизда деярли хар кун суратга тушамизу лекин техник имкониятлари ҳақида билмас эканми. Суратларга маъно бериш каби сир-синуотларни ўрганиш жуда қизиқарли экан, яна шу каби машғулотлар билан мактабимизга кела оласизми, деган тактифларни билдиришди. Тўғриси, жуда хурсанд бўлдим. Демак, ўқувчи-ёшларимизда замонавий техника ва технологияларга нисбатан шунчаки қизиқиш эмас, чуқур билим олиш истаги бор. Бу қувонарли ҳол.

Ўсмир-ёшлар учун мазкур лойиҳа шахримизнинг бошқа мактабларида давом этади. Медиясавадхонлик дарсларига Тошкент шаҳри бўйича 60 нафар тингловчини қамраб олиш режалаштирилган. Илк машғулотда 20 нафар ўқувчи иштирок этди. Юртимизда кечаётган пандемия шароити сабабли карантин талабларига риоя қилиш мақсадида тингловчилар аудиторияси 20 кишидан ортмаслиги лозим. Келгуси режада яна икки мактаб ва 40 нафар тингловчини медиясавадхонлик дарсларига жалб этиш мақсад қилиб олинган.

Умуман олганда, мамлакатимиз бўйича жами 120 нафар тингловчини мазкур лойиҳага жалб этиш режалаштирилган. “Эдотон-2021” танловининг илк иштирокчиси фарғоналик журналист Шарифа Мадрохимова медиалойиҳага ҳаммуаллиф сифатида танлаб олинди. Айни пайтда Фарғона вилоятида лойиҳа бўйича ишлар қизғин кечмоқда.

Зебо МИРЗИЁДОВА,
314-мактабнинг 9-синф
ўқувчиси

ФАОЛЛАРГА ЭЪТИРОМ КЎРСАТИЛДИ

“Ўзбекистон почтаси” АЖ Қашқадарё филиалида 7 май – Алоқачилар касб байрами муносабати билан тадбир бўлиб ўтди. Унда вилоят алоқа соҳаси ривожига муносиб ҳисса қўшиб келаётган бир гуруҳ фидойи ходимлар тақдирландилар.



Жумладан, Қамаш туман почта алоқаси тармоғи “Қизил қишлоқ” алоқа бўлими бошлиғи Назарали Тошматовга Ўзбекистон Республикаси ахборот технологиялари ва коммуникацияларини ривожлантириш вазирлигининг, Чироқчи туман почта алоқаси тармоғининг “Ғаллачи” алоқа бўлими бошлиғи Нурмамат Имомқулловга “Ўзбекистон почтаси” АЖнинг, Бешкент почта алоқаси тармоғининг “Файзиобод” алоқа бўлими бошлиғи Манзура Рўзиевага “Ўзбекистон почтаси” АЖ Қашқадарё филиалининг фахрий ёрликлари ва эсдалик совғалари топширилди.

Тадбирда сўзга чиққанлар почта соҳасида қўлга киритилган ютуқларда фахрийларимизнинг бой тажрибалари ҳам қўл келаётгани, янги марраларни забт этишда ўзига хос ҳаёт мактаби вазифасини ўтаётгани ва меҳнати муносиб рағбатлантирилиб келинаётганлиги тўғрисида алоҳида тўхтадилар.

Шукрулло ЖАЛИЛОВ,
“Ўзбекистон почтаси” АЖ Қашқадарё филиали
касаба уюшмаси кўмитаси раиси

ЭНГ ЯХШИ СОВҒА – КИТОБ

UNICON.UZ – Фан-техника ва маркетинг тадқиқотлари маркази 7 май – Алоқачилар касб байрами муносабати билан хайрли ишга қўл урди. Марказ ўз фондидаги 3500дан ортиқ китоблар ҳамда 6015дан ортиқ журналларни Тошкент шаҳар Bilim ахборот-кутубхона марказига ҳада тариқасида топширди.



янгиликлари кутубхонага тақдим қилинди.

Bilim ахборот-кутубхона маркази директори Хафиза Каримова бу эзгу иш учун чуқур ташаккур билдирди.

Совға қилинган китоблар албатта ўз китобхоналарини топишига ишонамиз!

Севара САЙДУМАРОВА,
UNICON.UZ етакчи муҳандиси

Хотира – абадий, қадр – муқаддас



Доим қалбимиздасиз



ТИНЧЛИК УЧУН СИЗГА ТАШАККУР!

Хотира ва Қадрлаш куни муносабати билан давлат ва жамоат ташкилотлари, ёшлар томонидан бугунги тинч ва осуда ҳаётимиз учун кўксини қалқон қилиб, фашизмга қарши мардонавор жанг қилган Иккинчи жаҳон уруши қатнашчилари, фронторти меҳнат фахрийлари, нуруний ота-оналар ҳолидан хабар олиниб, уларга меҳр-мурувват кўрсатилди. Хусусан, узоқ йиллар алоқа ва ахборотлаштириш соҳасида меҳнат қилган қашқадарёлик уруш фахрийлари ҳам бу эзгу ишдан четда қолмади.

Ўзбекистон Республикаси ахборот технологиялари ва коммуникацияларини ривожлантириш вазирлигининг Қашқадарё вилоят худудий бошқармаси мутасаддилари, вазирлик тизимидаги корхона ва ташкилотлар раҳбарлари Иккинчи жаҳон уруши қатнашчилари – Қарши шаҳрида истиқомат қилаётган 96 ёшли Аҳмад бобо Жалилов, Чироқчи туманида яшовчи 98 ёшли Жўра бобо Ёдгоровлар хонадонларига ташриф буюриб, уларга алоҳида ҳурмат-эҳтиром кўрсатишди, совға-саломлар билан дилларини хушнуд этишди.

Хурсандчиликдан кўнгли тоғ нуруний отахонлар шукро-

на сўзлар айтди. Уруш даврининг азобу уқубатларини, бошдан кечирган воқеаларни эсга олди.

– Уруш даврини эсласам, сесканиб кетаман, кўнглим бузилади, – дейди Аҳмад бобо Жалилов. – Ҳаммаси даҳшатли. Биз урушни кўрдик, сизлар кўрманг. Мен ҳар куни дуога қўл очиб, тинчлигимиз барқарор, ҳаётимиз янада зиёда бўлишини Яратгандан сўрайман. Эътибор ва эъзоз учун барчадан миннатдорман.

Чироқчилик Жўра бобо Ёдгоров Курск, Беларус, Полша, Чехословакияни озод қилишда иштирок этади. Шафқатсиз урушда отахоннинг қанча-

дан-қанча сафдошлари ҳалок бўлди. Ўзи эса бир неча бор яраланди, даволангач, яна қўлига курул олди. Урушдан сўнг узоқ йиллар ҳалол меҳнати билан оила тебратди.

– Урушга кетганимда йигирма ёшли йигит эдим, – дейди бобо. – Беомон жанглар бўлди. Кўп қурбонлар берилди. Ҳаёт завқини билмаган не-не азамат ёшлар нобуд бўлди. Ғалабага эришиш осон бўлгани йўқ. Аммо юртни босқинчиларга бериб қўймаганимизга шукр қиламан. Шукрда ҳикмат кўп. Шукрки, фарзанду невараларим, маҳалла-қўй, қўни-қўшнилар атрофимда парвона. Шифокорлар ҳолимдан хабардор. Рўзгорда, дастурхонда ҳаммаси етарли. Илоҳим, ҳаётимизга кўз тегмасин. Биз, кексалар давлатимизнинг доимий эътиборини кундалик ҳаётимизда сезиб турибмиз.

Афтондил ИСМОИЛОВ,
“Xabar”нинг Қашқадарё вилоятидаги мухбири

ТАҲРИРИЯТДАН “Ўзбекистон почтаси” АЖ масъуллари томонидан бу каби тадбирлар Наманган вилояти, Янгиқўрғон тумани, “Искават” маҳалласида яшовчи 1924 йилда туғилган Топволди Мадраҳимов, Сурхондарё вилояти, Денов шаҳрида яшовчи 1925 йилда туғилган Дусик Мередов, Тошкент вилоятининг Олмалиқ шаҳрида яшовчи 1940 йилда туғилган Елизавета Шиллер каби Иккинчи жаҳон уруши қатнашчилари хонадонларида ҳам ташкил этилди.

ҲАЁТ ЙЎПИНГИЗ ИБРАТ



“Ўзбектелеком” АК Тошкент филиалида кекса авлод вакиллари эътибор ва ғамхўрлик, ҳурмат-эҳтиром кўрсатиш анъанага айланган. 7 май – Алоқачилар куни ҳамда 9 май – Хотира ва Қадрлаш куни муносабати билан бу анъана янада уюшқоқликда давом этирилди.

Филиал раҳбарияти, Касаба уюشمаси кўмитаси ва Ёшлар иттифоқи бошланғич ташкилоти билан ҳамкорликда филиалдаги узоқ йиллик меҳнати билан соҳага катта ҳиссасини

кўшиб, ҳозирда нафақада бўлган 60 нафар соҳа вакиллари ҳолидан хабар олинди ва уларга 14 турдаги озиқ-овқат маҳсулотлари тарқатилди.

Маънавий ҳаётимизнинг ажралмас қисмига айланган бу каби тадбирлар орқали кексаларимиз ҳаёт йўли, бой тажрибаси ёшларга ибрат бўлиши шубҳасиз.

Абдумалик ЧОРШАНБИЕВ,
“Ўзбектелеком” АК
Тошкент филиали бўлим бошлиғи

Устоз... Ҳаёт тушунчаси пайдо бўлганидан буён яшаб келаётган сиймо. Шу боис, азал-азалдан устоз-мураббийларга бўлган ишонч, ҳурмат-иззат узгачақадир.

Юртдошларимиз Хотира ва Қадрлаш кунини ўтганлар хотираси ва уларнинг жасоратлари, эзгу ишларини доимо ҳурмат билан ёдга оладилар. Биз билан ҳамнафас яшаётган фахрийларимиз, ногиронлар, боқувчисини йўқотган оилалар ва умуман меҳримизга муҳтож кишиларга иззат-икром кўрсатилиб, уларга моддий ва маънавий кўмак берилади. Албатта, умри давомида ўзидан кўплаб яхшиликлар қолдирган, халқнинг хизматида камарбаста бўлиб, фойий дунёдан риҳлат қилган аждодларимизни эслашимиз барчамиз учун ҳам қарз, ҳам фарздор.

Устозимиз Омон Мелиев ўзининг заҳматли меҳнатлари, илмий салоҳияти, сермаҳсул ишлари билан миллат қалбига абадий яшайдиган, ҳаёт йўли эса ёшлар учун ибрат мактаби бўлиб хизмат қиладиган инсонлардан бири эди.

Зиёлилар оиласида таваллуд топган Омон ака 1974 йили Самарқанд давлат архитектура ва қурилиш институтини имтиёзли диплом билан битирди. Аввалига мазкур институтда ассистент, сўнгра 1975–1978 йилларда Москва муҳандислик-қурилиш институти аспирантурасида ўқиб, номзодлик диссертациясини ёқлади.

1981–1987 йилларда Самарқанд давлат архитектура-қурилиш институтининг катта ўқитувчиси вазифасида фаолиятларини давом эттирган устоз меҳнатлари самараси ўлароқ доцент илмий унвонига сазовор бўлди. Орадан йиллар ўтиб, яъни 2005 йилда Омон Абдуллаевич Тошкент ахборот технологиялари университетининг Самарқанд филиали директори лавозимига тайинланди.

Омон Абдуллаевич салкам 35 йил давомида ўз иш тажрибасининг етук мутахассиси, талабаларнинг сеvimли устози бўлган. Шу йиллар давомида ёшларга таълим-тарбия бериш, уларнинг илмий тадқиқотларини қўллаб-қувватлаш бўйича кўплаб илмий ишларни амалга оширди. Қирққа яқин илмий ишларга муаллифлик қилди. Жонқуяр раҳбар сифатида эса филиални ҳар томонлама ривожлантириш билан боғлиқ ишларни ташкиллаштиришда ўзининг муносиб ҳиссасини қўшди.

Устоз Омон Мелиевнинг олиб борган кенг қамровли ишлари жамоа аъзолари ўртасида хануз юксак эҳтиром билан ёдга олинади.

Абдуғафур ҲОТАМОВ,
“Xabar”нинг
Самарқанд вилоятидаги мухбири,
Муҳлиса АҲАТОВА,
ТАТУ Самарқанд филиали талабаси

ОБЗОР ЦЕНТРА ЭКОНОМИЧЕСКИХ ИССЛЕДОВАНИЙ И РЕФОРМ: РАЗВИТИЕ ЦИФРОВОЙ ЭКОНОМИКИ В УЗБЕКИСТАНЕ ЗА ЧЕТЫРЕ ГОДА

НАУЧНЫЕ СОТРУДНИКИ ЦЕНТРА ЭКОНОМИЧЕСКИХ ИССЛЕДОВАНИЙ И РЕФОРМ (ЦЭИР) ЮРИЙ КУТБИТДИНОВ И БАХТИЁР ИСМАИЛОВ ДЛЯ ИЗДАНИЯ "ГАЗЕТА.UZ" ПОДГОТОВИЛИ ИССЛЕДОВАНИЕ О РАЗВИТИИ ЦИФРОВОЙ ЭКОНОМИКИ В УЗБЕКИСТАНЕ.

ЭКСПЕРТЫ ПОЯСНЯЮТ, ЧТО В СОСТАВЛЯЮЩИЕ ЦИФРОВОЙ ЭКОНОМИКИ ПРИНЯТО ВКЛЮЧАТЬ ЭЛЕКТРОННУЮ КОММЕРЦИЮ, СИСТЕМУ ЭЛЕКТРОННОГО ПРАВИТЕЛЬСТВА, ВНЕДРЕНИЕ "УМНЫХ" ТЕХНОЛОГИЙ В ПРОИЗВОДСТВЕННЫЕ ПРОЦЕССЫ, СФЕРАХ УСЛУГ СОЗДАНИЕ СИСТЕМ "УМНЫЙ ГОРОД", "БЕЗОПАСНЫЙ ГОРОД" И ДР. А ТАКЖЕ ШИРОКОЕ ИСПОЛЬЗОВАНИЕ ТЕХНОЛОГИЙ "ИНТЕРНЕТА ВЕЩЕЙ".

Степень развития в стране цифровой экономики, которая напрямую связана с уровнем развития информационно-коммуникационных технологий (ИКТ), принято оценивать различными показателями: доля цифровой экономики в ВВП, размеры инвестиций в отрасль ИКТ, скорость интернета, его покрытие территории страны и доступность для использования населением, уровень развития электронной коммерции, доля госуслуг в системе электронного правительства, обеспеченность организаций специалистами в области ИКТ и др. Кроме этого, важными являются показатели в международных рейтингах, оценивающих степень развития в стране информационных технологий.

"По многим из указанных показателей в Узбекистане в период с 2016 года достигнут значительный прогресс", — говорится в исследовании.

Так, валовая добавленная стоимость, созданная в сфере услуг в области "информации и связи" выросла с 2016 года в 2 раза с 4,4 до 8,8 трлн. сумов, а объем оказанных услуг по виду экономической деятельности "информация и связь" вырос в 2 раза с 6,3 до 12,9 трлн. сумов.

Развитию отрасли ИКТ способствовал рост объема инвестиций в основной капитал по виду деятельности "информация и связь", который в период 2016—2020 годов вырос в 4 раза с 1,2 до 4,8 трлн. сумов, в их числе объемы иностранных инвестиций и кредитов выросли в 2,5 раза с 0,8 до 2 трлн. сумов.

Динамично развивается телекоммуникационная инфраструктура, пишут эксперты. Почти в 3,8 раза с 17,9 до 68,6 тысячи км выросла протяженность проложенных волоконно-оптических линий связи, до конца 2021 года их протяженность планируется практически удвоить и довести до 118,6 тысячи км. Число базовых станций мобильной связи выросло в 1,8 раза с 17,7 до 31,7 тысячи единиц, только в 2020 году было установлено и запущено более 5600 новых телефонных станций мобильной связи.

Расширение сети базовых станций мобильной связи позволило создать условия для предоставления услуг (довести охват) мобильной связи для 98% населения страны, в том числе высокоскоростной связью до 90%.

Исследователи отмечают, что расширение сети станций мобильной связи происходит за счет установки новых станций, обеспечивающих работу сетей 3G/4G стандартов, а в Ташкенте реализованы также проекты по установке 15 базовых станций пятого поколения — 5G.

В целях создания собственной производственной базы и импортозамещения, в свободной экономической зоне "Джизак" при содействии Республики Кореи был построен завод стоимостью в 11 млн. долларов по производству оптико-волоконных кабелей мощностью 50 тысяч км кабеля в год, что позволит

обеспечить как внутренние потребности, так и поставлять кабельную продукцию на экспорт.

Количество абонентов мобильной связи с 2016 года выросло на 20% до 25,4 миллиона человек, а число пользователей интернетом — почти в 2 раза до 22,5 миллиона человек.

Ежегодно растёт число установленных портов широкополосного доступа к интернету, которое обеспечивает абонентам непрерывное к нему подключение для передачи и приёма информации на высоких скоростях, говорится в исследовании.

В 2020 году было установлено около 1 миллиона дополнительных портов, всего с 2018 года число портов выросло с 1,2 до 3,2 миллиона, а к концу 2021 года планируется довести данный показатель до 3,9 миллиона, что значительно расширит возможности для доступа абонентов проводной связи к широкополосному интернету.

К настоящему времени все детские сады, медицинские учреждения, а также более 8000 школ (80% от общего числа) получили доступ к высокоскоростному интернету. В 2021 году планируется обеспечить доступ к сети всех школ, а также махаллинских сходов граждан (около 10 тысяч сходов).


Росту числа пользователей мобильной связью и интернетом способствовало не только развитие инфраструктуры ИКТ, но и снижение стоимости за пользование интернетом при одновременном увеличении его скорости, отмечают исследователи. С 2016 года пропускная способность (скорость) международной сети передачи данных была увеличена почти в 22 раза — с 55 до 1200 Гб/с. При этом стоимость тарифов на интернет-услуги для провайдеров снизилась в 21 раз с 91,5 до 4,3 доллара за 1 Мбит/с.

В соответствии с постановлением правительства от 17 апреля компания "Узбектелеком" совместно с американской Wincom Technologies в нынешнем году реализует проект по модернизации центра пакетной коммутации на сумму почти 26 млн. долларов, что позволит расширить его пропускную способность до 1800 Гбит/с.

Выросла и скорость интернета для потребителей. С 2018 года скорость широкополосного интернета для абонентов выросла с 10,11 до 36,85 Мб/с, а для абонентов мобильного интернета с 9,97 до 13,89 Мб/с.

В 2018 году также был завершён полный охват населения цифровым телевидением, данный показатель в 2016 году составлял только 68%.

Созданы условия для развития электронной коммерции. В соответствии с постановлением президента от 14 мая 2018 года "О мерах по ускоренному развитию электронной коммерции", в целях стимулирования субъектов предпринимательства в сфере электронной коммерции создан Национальный ре-



естр субъектов электронной коммерции e-tijorat.uz.

В него на добровольной и бесплатной основе включаются юридические лица и индивидуальные предприниматели, у которых доходы от реализации товаров и услуг посредством электронной коммерции составляют не менее 80% от общего объема реализованных ими товаров и услуг. При этом они будут являться плательщиками единого налогового платежа по ставке 2%.

Узбекистан в международных рейтингах

"Стоит отметить успехи Узбекистана в международных рейтингах по оценке развития в стране информационных технологий. В данных рейтингах наряду с занимаемым местом указывается индекс, который учитывает сразу несколько параметров отражающих состояние развития данной сферы", — пишут исследователи.

Один из таких — Индекс телекоммуникационной инфраструктуры (Telecommunication Infrastructure Index — TII), который формируется на основании следующих показателей из расчёта на 100 жителей страны: числа пользователей интернетом и стационарными телефонными линиями, а также абонентов мобильной связи, беспроводных широкополосных и стационарных широкополосных сетей. С 2016 года Узбекистан улучшил свои показатели по данному индексу с 0,246 до 0,472.

Индекс развития ИКТ (ICT Development Index — IDI), который последний раз составлялся Международным союзом электросвязи по итогам 2017 года среди 176 стран мира. Индекс IDI состоит из 11 статистических показателей, отражающих доступность к ИКТ, степень их использования и практические навыки применения ИКТ населением. В настоящее время разрабатывается новая методика составления индекса IDI. В последнем рейтинге индекса IDI Узбекистан поднялся на 8 позиций по сравнению с 2016 годом и занял 95-е место (индекс — 4,9) среди 176 стран мира.

Глобальный индекс кибербезопасности также составляется Международным союзом электросвязи и оценивает уровень обязательности государства в пяти сферах: правовые меры, технические меры, организационные меры,

развитие потенциала и международное сотрудничество. Узбекистан с 2016 года улучшил свои показатели в данном рейтинге с 0,1471 до 0,666 и поднялся с 93-го до 52-го места среди 175 стран.

Индекс мобильной связи составляется международной Ассоциацией операторов мобильной связи (или "Ассоциацией GSMA"), в которую входят также все мобильные операторы Узбекистана. Индекс показывает степень развития и использования мобильного интернета. Индекс измеряет показатели в более 170 странах в сравнении с ключевыми факторами, способствующими внедрению мобильного интернета: инфраструктурой, доступностью, потребительской готовностью, контентом и услугами.


Индекс помогает отрасли мобильной связи определять, на чем следует сконцентрировать свои усилия, чтобы способствовать более широкому внедрению мобильного интернета. За последние четыре года Узбекистан улучшил свои показатели в данном индексе с 36,9 до 46,8 и приблизился к среднемировому значению в 50.

Индекс развития электронного правительства (E-Government Development Index — EGDI) составляется Департаментом по экономическим и социальным вопросам Секретариата ООН на основании показателей трёх субиндексов: развития онлайн-госуслуг, телекоммуникационной инфраструктуры и развития человеческого капитала. По показателям данного индекса Узбекистан с 2016 года улучшил свои показатели с 0,54 до 0,67 и занимает 87-е место в рейтинге среди 193 государств.

В целях создания условий для получения гражданами государственных услуг в электронном формате в 2017 году в Узбекистане была запущена новая версия Единого портала интерактивных государственных услуг (Единый портал, EPIGU — my.gov.uz), который является единой электронной платформой для доступа граждан и предпринимателей к получению госуслуг и необходимой по ним информации. В настоящее время количество видов услуг, предоставляемых на EPIGU достигло более 300 по 20 направлениям.

В перспективе планируется доведение доли государственных услуг, предоставляемых в электронном формате, до 60% к 2022 году и до 80% к 2025 году, а также поднятие к 2025 году до 50-го места в рейтинге Индекса развития электронного правительства.

Алоқа оламида



СМАРТФОНЛАР

СМАРТФОНЛАР БРЕНДИ
ФАОЛИЯТИНИ ТЎХТАТДИ

2021 йилнинг апрелида LG компанияси смартфонлар ишлаб чиқаришни батамом тўхтатишини эълон қилганди. Унинг ортидан смартфонлар бозорини яна бир бренд тарқ этмоқда — Vsmart (Вьетнамнинг VinSmart бренди).



Хабарда айтилишича, Vingroup бор кучини электрокарлар ишлаб чиқаришга ташлайди ва VinSmart электроника йўналишини ёпади. Ушбу бренд смартфонлари ва телевизорлари билан ном чиқарганди. Энди бу тарихга айланади.

Vingroup баёнотида кўра, бу компания учун жуда муҳим стратегик қарор бўлиб, мақсад VinFast (электромобиллар бўлими)ни ўз соҳасида дунёдаги энг етакчи брендлардан бирига айлантиришдир.

ФАЗО

КОИНОТГА САЁХАТ
КИМОШДИГА ҚЎЙИЛДИ

Миллиардер Жефф Безоснинг Blue Origin компанияси онлайн кимошди савдосини ишга туширди. Ҳолиб New

Shepard кемаси бортида йўловчи сифатида коинотга йўл олиши мумкин. Парвоз ёзининг ўрталарига режалаштирилган, дейилади компания сайтида.

"New Shepard кемаси 20 июл куни биринчи астронавтлар экипажи билан коинотга учади. Биз ушбу рейсда битта жойни онлайн-аукцион ҳолибига тақдим этамиз", — дейилади хабарда.

Ҳар бир истовчи 19 майга қадар Blue Origin веб-сайтидаги кимошди савдосида иштирок этиш учун ариза топшириши мумкин. Бунда иштирокчилар хоҳлаганча пул тикиши мумкин.

Дастлаб, маълумотлар сир тутилади. Аукцион иштирокчиларининг исмлари ва уларнинг таклифлари кимошди савдоси бошланганда — 19 май куни эълон қилинади. Аукцион ҳолиби 12 июн куни аниқланади.

ХАРДВЕР

ЭНГ ЯХШИ ХОТИРА
ҚУРИЛМАЛАРИ
АНИҚЛАНДИ

TechSpot наشري турли тоифа компьютерлар учун энг яхши SSD ҳамда қаттиқ дисклар, шунингдек, ташқи сақлагичларни эълон қилишди.

Ишлаш самарадорлиги энг юқори SSD сифатида иккита ишланма эътироф этилди — Sabrent Rocket 4



Ҳамда Samsung 980 Pro. Булардан биринчисида маълумот ўқиш тезлиги 7100 МБ/сония, ёзиш тезлиги эса 6600 МБ/сонияга тенг. Шу сабабли у маъмури саноатда истеъмолчиларга мўлжалланган энг тезкор SSD-диск деб тан олинган, Samsung маҳсулоти ҳам ундан қолишмайди.

Оддий шахсий компьютер фойдаланувчилари учун энг яхши SSD-сақлагич сифатида WD Black SN750 модели тавсия этилган. "Энг яхши қаттиқ диск" номинациясида Seagate IronWolf NAS эътироф этилган. Арзон моделлар орасидан мутахассислар Seagate Barracuda туркумини тавсия этишмоқда.

ТАДҚИКОТ

СМАРТФОН —
ИККИНЧИ УЙИМ...

Моддий бойликлар орасида одам учун энг кераги ва қадрлиси бу, шубҳасиз, шахсий бошпана, яъни уй. Ва смартфон... Тадқиқотчиларга кўра, одамлар ўз смартфонларига шунчалик боғланиб қолишганки, унинг қадри уйдан кам эмас. Энг қизиғи, бу қурилмани ардоқлаш бобида кексалар ёшлардан асло ортда қолаётгани йўқ.

Лондон университети коллежи антропологлари Ирландиядан Италиягача тўққиз мамлакатда ёши улуглар смартфонлардан қандай фойдаланишаётганини ўрганишди. Бир йил давом этган тадқиқот кўрсатишича, смартфон одамларга шунчаки эрмак эмас, балки муҳимлиги бўйича бошпанадан кам бўлмаган муҳим вазифани бажарувчи воситадир.

Кузатишлар смартфонлардан фойдаланиш одамлар ўртасида жонли мулоқотлар тобора камайиб бораётганини кўрсатмоқда. Бу барча ёш

тоифаларига тааллуқли. Нера бундай — аниқ сабаби топилмаган. Эҳтимол ҳамма гап кўпчилик WhatsApp каби тезкор мулоқот воситаларидан фойдаланишни ўрганиб олганидир? Одамлар ҳар қачонгидан сермулоқот бўлиб кетишган, фақат юзма-юз эмас, онлайнда — кўчада XXI аср.

ИЛОВАЛАР

CLUBHOUSE ЭНДИ
АНДРОИДЛАРДА

2021 йилнинг бошида трендга чиққан Clubhouse ижтимоий тармоғидан хабарингиз бор — даставвал ушбу илова iOS платформаси учун тақдим этилган эди. Энди унинг Android-талқини ҳам яратилиб, Google Play иловалар дўконидан жойлаштирилди.

Скриншотлардан кўриниб турибдики, андроидларга мўлжалланган Clubhouse иловасининг интерфейси iOS-талқинидан айтарли фарқ қилмайди.

Clubhouse тармоғида рўйхатдан ўтиш шартлари ўзгармаган: аъзо бўлишингиз учун сизга ушбу тармоқ аъзоларидан бири таклифнома жўнатиши лозим.




Қутлов!

■ Реклама ва эълонлар

**"ЭЛЕКТРОМАГНИТ
МОСЛАШУВ
МАРКАЗИ" ДУК
ЖАМОАСИ**

Республикамиз аҳолисини
РАМАЗОН ҲАЙИТИ
билан табриклайди.

Дуолар қабул бўладиган ушбу улуг
қунда Яратгандан она заминимиз
ҳамиша тинч, элимиз шод, юртимиз
обод бўлишини сўраб қоламиз!



**Азиз юртдошлар!
РАМАЗОН ҲАЙИТИ
барчамизга муборак бўлсин!**


Хонадонингиздан қут-барака,
меҳр-оқибат аримасин.
Қалбингиз имон нурлари билан тўлсин!

"Ўзбектелеком" АН
ХОРАЗМ ФИЛИАЛИ
ЖАМОАСИ

ТАНЛОВГА

ПОЧТАМИЗ ДУНЁ
РЕЙТИНГИДА БИРИНЧИ
БОТАЛИККА КИРСА...

МЕН ЎЗ КАСБИМНИ ЖУДА ЯХШИ КЎРАМАН. ҲАЁТДА НИМАГАКИ ЭРИШГАН БЎЛСАМ, ҲАММАСИ КАСБИМГА БЎЛГАН МУҲАББАТИМ, МЕҲНАТИМ ШАРОФАТИ ДЕВ ВИЛАМАН. НАТИЖАДА 30 ЁШИМДА ТУМАНДАГИ ПОЧТА АЛОҚАСИ ТАРМОҒИ РАҲБАРИ ҲАМДА ДЕПУТАТЛИККА МУНОСИБ КЎРИЛДИМ...



Фаолиятимни 2012 йил “Қамолот” ёшлар ижтимоий ҳаракати Қорақалпоғистон Республикаси Кенгаши қошидаги “Етакчи” ёшлар марказида координатор бўлиб ишлашдан бошладим. 2013 йилда Қорақалпоғистон Республикаси Вазирлар Кенгашининг иш юритувчиси, 2017 йилдан эса “Ўзбекистон почтаси” акциядорлик жамияти Қорақалпоғистон филиали Янги технологиялар бўлими бошлиғи бўлиб ишладим. Ҳозирги кунда “Ўзбекистон почтаси” акциядорлик жамиятининг Қорақалпоғистон филиали Хўжайли тумани почта алоқаси тармоғи раҳбари сифатида фаолият юритиб келяпман.

Бугунги кунда мамлакатимиз почта тизимини сифат жиҳатидан ўзгартиришга жиддий киришилди. Бунда асосий омил рақамли технологиялар бўлиб, у соҳа учун катта имкониятлар эшигини очди. Яъни нафақат анъанавий хизмат турларини ўзгартириш, балки янги бозорларни муваффақиятли ривожлантириш имкони туғилди.

Ўзбекистон Республикаси Президентининг 2020 йил 14 декабрдаги “Почта алоқаси хизматларини кўрсатиш тизимини тубдан такомиллаштириш чора-тадбирлари тўғрисида”ги қарори ижросини таъминлаш мақсадида эндиликда почта алоқаси объектларида аутсорсинг асосида банк хизматлари кўрсатилиши йўлга қўйилиб, банк пластик карталарига почта алоқаси бўлимлари орқали тўлиқ хизмат кўрсатиш (карталарни маблағ билан тўлдириш, нақд пул ечиш, жисмоний шахсларни идентификация қилиш) тизими жорий этилди ҳамда 1 майдан “Аввал” тўлов тизими ишга туширилди. Республикаимизнинг камида мингта почта бўлимида, айниқса, олис ва чекка ҳудудларида йўлга қўйилган бундай хизмат аҳолининг узоғини яқин қилишда қўл келади.

Шунингдек, почта хизмати-нинг асосий бўғини ҳисобланган хат-хабар ташиш ва курерлик хизматларини ривожлантириш бўйича – почта жўнатмаларини қабул қилиш, саралаш ва онлайн кузатиш имконини берувчи автоматлашган тизим ҳам ишга туширилди. Бундан ташқари, маҳаллий ҳамда хорижий компаниялар билан ҳамкорликда “яқуний манзил” хизмати жорий этилди. Қорақалпоғистон Республикаси ва вилоятлар марказларига мижозлар номига келган почта жўнатмаларини олишга мўлжалланган ўз-ўзига хизмат кўрсатувчи биттадан автоматлаштирилган комплекслар – “почтамат”лар жойлаштирилди.

Тадбиркорликни ривожлантириш мақсадида маҳаллий ишлаб чиқарувчилар маҳсулотини онлайн сотиш ва мижозларга етказиб бериш, шунингдек, уларнинг товарларини экспорт қилиш имкониятини берувчи тизим яратилиб, миллий онлайн савдо майдончаси бўлган unisavdo.uz мобил иловасига тадбиркорлар шартнома асосида ўз маҳсулотларини жойлаштириш имкониятига эга бўлдилар.

Яна бир қувонарли жиҳати, олис ва чекка ҳудудларда ҳам почта алоқаси объектлари орқали аҳолига 17 турдаги электрон ҳуқуқ хизматларини кўрсатишнинг йўлга қўйилгани бўлди.

Почта тизимида амалга оширилаётган бу каби туб ўзгаришлар яқин келажакда соҳанинг жадал ривожланиб, катта самарадорлик кўрсатишига ишонамиз. Шу билан бирга, мамлакатимиз почта тизимининг ривожланиш индекси дунё рейтингига биринчи 50таликка киришига ўзим ҳам ҳиссамни қўшиш ниятидаман.

Қ. КАРИМХОЖАЕВ,
“Ўзбекистон почтаси” АЖ
Қорақалпоғистон филиали
Хўжайли почта алоқаси
тармоғи бошлиғи

“Ўзбектелеком” АЖ
ЖИЗЗАХ ФИЛИАЛИ ЖАМОАСИ

Юртдошларимизни
РАМАЗОН ҲАЙИТИ
билан муборакбод этади.

Қадрли ватандошлар!
Аллоҳ барча эзгу
ниятларимизнинг ижобатини
бёрсин, байрамингиз
қутлуғ бўлсин!

Ўзбекистон Республикаси ахборот
технологиялари ва коммуникацияларини
ривожлантириш вазирлиги маълум қилади

Ўзбекистон Республикаси Вазирлар Маҳкамасининг 2000 йил 22 ноябрдаги 458-қарори билан тасдиқланган Телекоммуникациялар соҳасидаги фаолиятни лицензиялаш тўғрисидаги низомнинг 49-бандига мувофиқ:

“ARS-INFORM” масъулияти чекланган жамиятининг (Тошкент шаҳри) аризасига асосан теледастурлар тарқатиш тармоқлари хизматларини кўрсатиш бўйича фаолиятга 2017 йил 30 майда берилган АА серия 0006172 рақамли;

“NEW LINE GROUP” масъулияти чекланган жамиятининг (Тошкент шаҳри) аризасига асосан теледастурлар тарқатиш тармоқлари хизматларини кўрсатиш бўйича фаолиятга 2020 йил 3 июнда берилган АА серия 0008100 рақамли;

“EASYCOST ACTIVE SALES” масъулияти чекланган жамиятининг (Тошкент шаҳри) аризасига асосан маълумотлар узатиш тармоқлари хизматларини кўрсатиш бўйича фаолиятга 2019 йил 6 августда берилган АА серия 0006956 рақамли лицензияларнинг амал қилиши 2021 йил 12 майдан тўхтатилди.

МУҲАММАД АЛ-ХОРАЗМИЙ НОМИДАГИ
ТОШКЕНТ АХБОРОТ ТЕХНОЛОГИЯЛАРИ
УНИВЕРСИТЕТИ ҚУЙИДАГИ ЛАВОЗИМЛАРГА
ТАНЛОВ ЭЪЛОН ҚИЛАДИ

Кафедра мудири:

“Гуманитар фанлар” кафедраси – 1.

Доцент:

“Мултимедия технологиялари” кафедраси – 1.

Катта ўқитувчи:

“Энергия таъминлаш тизимлари” кафедраси – 1.

Аризалар эълон чоп этилган кундан бошлаб бир ой ичида қабул қилинади. Танловда кўрсатилган лавозимлар бўйича фан докторлари, доцентлар, фан номзодлари ва соҳанинг етук мутахассислари қатнашишлари мумкин.

Манзил: Тошкент шаҳар, Амир Темур кўчаси, 108-уй.
Тел.: 71-238-64-06.

ЎЗИМИЗНИНГ Абдусаид ака

УСТОЗИМИЗ АБДУСАИД КЎЧИМОВ ЖОРИЙ ЙИЛНИНГ 15 МАЙ КУНИ ТАБАРРУК 70 ЁШГА ТЎЛАДИ. АБДУСАИД АКА 2006 ЙИЛНИНГ 21 ИЮЛИДАН ТО 2017 ЙИЛНИНГ 10 АВГУСТИГАЧА “ХАВАР” ГАЗЕТАСИГА БОШ МУХАРРИРЛИК ҚИЛГАН.

Устоз бошчилигида шу йилларда газетанинг мазмун-моҳияти, кўриниши тубдан ўзгарди. Янги рукнлар, соҳага оид танловлар ташкил этилди. Газетада чоп этилган мамлакатимиз ахборот-коммуникация технологияларига оид мақолалар мазмундорлиги янада ортди. Вилоятлардаги алоқа ва ахборотлаштириш соҳаси янгиликлари тўғрисидаги қисқа хабарлар, соҳа фидойилари, ёш мутахассислар ҳаёти ва фаолиятига оид мақола, суҳбат, фотолар ва кўпайиб, уларнинг мамлакатимизда амалга оширилаётган ислохотларга қўшаётган ҳиссалари мунтазам ёритила бошланди.

Абдусаид ака меҳнат фаолиятини “Ўқитувчи” нашриётидан бошлаган. Болалар газетасида адабий ходим, бўлим мудири, масъул котиб, бош муҳаррир лавозимларида меҳнат қилган. “Шарқ юлдузи” журналида масъул котиб, Ўзбекистон Ёзувчилар уюшмаси раиси ўринбосари, Ўзбекистон Республикаси Вазирлар Маҳкамаси бўлим мудири, Ўзбекистон Миллий телерадиокомпанияси раиси ўринбосари, Ўзбекистон Республикаси Президенти девони Ахборот маркази раҳбари, Ўзбекистон Миллий телерадиокомпанияси раиси, “Тошкент” телерадиоканали бош директори вазифаларида самарали меҳнат қилган.

Серқирра ижодкорнинг биринчи китоби – “Кашфиётчи болалар” 1978 йили чоп этилган эди. Ўтган йиллар давомида “Менинг Ўзбекистони” (1979 йил), “Тошбургут” (1981 йил), “Менинг юлдузим” (1984 йил), “Чаноқ” (1985 йил), “Халқа” (1987 йил), “Икки баҳор” (1990 йил), “Умид дарахтлари” (1992 йил), “Қиёфа” (1996 йил), “Ёсуман” (2000 йил), “Баланд тоғлар” (2002 йил), “Кўларимнинг қароғидасан” (2006 йил), “Муҳаббат боғлари” (2008 йил), “Эл сув ичган дарёлар” (2009 йил), “Баҳор”, “Киш”, “Танланган асар-



лар” (2011 йил) номли насрий ва назмий китоблари турли нашриётларда чоп этилди. Адибнинг “Баланд тоғлар”, “Шухрат” медали, “Меҳнат шухрати” ордени билан тақдирланган. 1990-1994 йилларда Ўзбекистон Олий Совети депутатлигига, 1994-1999 ва 1999-2004 йилларда Ўзбекистон Республикаси Олий Мажлиси депутатлигига сайланган. Шогирдларига меҳрибон, самимий инсон Абдусаид акани муборак 70 ёши билан чин дилдан табриклаймиз. Қадрли устозимизга мустаҳкам соғлиқ, юксак ижодий парвозлар тилаймиз!

“Хабар” газетаси
ижодий жамоаси

Абдусаид КЎЧИМОВ ИСТИҚЛОЛ ҚЎШИГИ

Юз йиллик маломат ёмғири тинди,
Қафаслар бузилди, қалтаклар синди,
Гулу гулзоримга бахт куши кўнди,
Эй дилим, истиқлол нуридан яйра,
Туркистоним яйра!
Туроним яйра!

Не бахтки, бек бўлдинг ўзинга ўзинга,
Ўзингники бўлди ҳар бўтакўзинг.
Айтганинг айтгандир, сўзингдир сўзинг,
Туркистоним яйра!
Туроним яйра!

Кўзингдан оқизмай бир томчи ёшинг,
Кишанларни узди шердил юртбошинг.
Истиқлол уфқида балқди қуёшинг,
Туркистоним яйра!
Туроним яйра!

Энди ганимларинг ғамга ботурлар,
Тулқидек панада писиб ётурлар.
Отпанинг, Алпомши, Авазботирлар!
Туркистоним яйра!
Туроним яйра!

Садоқатинг кўрсат ота маконга,
Ота маконингни кўрсат жаҳонга.
Жаҳон кучоқ оңди Ўзбекистонга,
Туркистоним яйра!
Туроним яйра!

МЕНИ ТУШУН

Мени тушун,
Азизам, тушун:
Номардлик ё алдов эмас бу,
Муҳаббат гул, муҳаббат оғу,
Муҳаббатнинг аламли доғи
Қийналайди кўксимни бу кун,
Мени тушун,
Азизам, тушун.
Уйламоқчи бўлдим сени кўп,
Куйламоқчи бўлдим сени кўп,
Қийнамоқчи бўлдим сени кўп,
Бўйсинмади юрак додимга,
Бахтим менинг бўлмади бутун,
Мени тушун,
Азизам, тушун.
Бахт истадинг менга доимо,
Бахт истадинг мenden доимо,
Узга ёрга меҳрим тўтдим мен,
Узга ёрдан меҳр кўтдим мен,
Ул ёр қулиб боқмади леким,
Мени тушун,
Азизам, тушун.
Кўзлари кўр экан севгининг,
Севги деган сўқир туйғунинг,
Тушунолмади адо бўлдим мен,
Уз-ўзимдан жудо бўлдим мен,
Узга учун мен суйган юлдуз,
Оҳ чекармиш кечаю кундуз,
Оҳ чекаман жигар бағрим хун,
Мени тушун,
Азизам, тушун.

Xabar

МУАССИС:

ЎЗБЕКИСТОН РЕСПУБЛИКАСИ
АХБОРОТ ТЕХНОЛОГИЯЛАРИ
ВА КОММУНИКАЦИЯЛАРИНИ
РИВОЖЛАНТИРИШ ВАЗИРЛИГИ

Бош муҳаррир:

Абдугани АБДУРАҲМОНОВ

Таҳрир Хайъати:

Шухрат СОДИҚОВ (Хайъат раиси), Назиржон ҲАСАНОВ,
Коммуна ИРИСБЕКОВА, Алишер ФАЙЗУЛЛАЕВ,
Лутфулло ТУРСУНОВ (Бош муҳаррир ўринбосари),
Усмонжон ЙЎЛДОШЕВ (Масъул котиб).

Таҳририятга келган кўлзма ва суратлар эгаларига қайтарилмайди.
Муаллифнинг фикрлари таҳририят фикридан фарқланиши мумкин.
Нашримиздан кўчириб босилганда “Хабар” дан олинганлиги кўрсатилиши шарт

Газета саҳифаларини тайёрлашда интернет материалларидан ҳам фойдаланилди.
Баҳоси келишилган нархда.

МАНЗИЛИМИЗ:

100000, Тошкент шаҳри,
Амир Темури 1-тор кўчаси, 2-уй
(Мўлжал Олой бозори).
Телефонлар: 71-234-18-59, 71-234-18-31.
Факс: 71-234-17-91. E-mail: info@xabar.uz

Обуна индекси — 228.

Газета таҳририят компютер
базасида терилди ва саҳифаланди.
Дизайнер: Аслиддин БЎРИЕВ.
Набатчи: Шоҳида ИСРОИЛОВА.



ISSN 2010-6424

Босишга топширилди — 17.00
Босишга топшириш вақти — 24.00

Газета Ўзбекистон матбуот ва
ахборот агентлиги томонидан
0016 рақами билан 2013 йил
23 июлда рўйхатга олинган.

Газета
ҳафтанинг
жума кuni
чиқади.

Газета “Ўзбекистон” нашриёт матбаа
уйи босмахонасида чоп этилди.
Босмахона манзили: Тошкент шаҳри,
Навоий кўчаси 30-уй.

V 4676 сонли буюртма.
Офсет усулида босилди.
Қоғоз бичими А-3, ҳажми
2 босма табоқ. Адади: 5760

Вилоят
муҳбирлари:

Андижонда
(74) 226-47-80

Бухорода
(99)854-7305

Жиззахда
(94) 199-95-64

Наманганда
(91) 353-71-25

Навоийда
(79) 225-91-10

Нукулда
554-35-45

Самарқандда
(91)557-84-44

Термизда
(99)508-30-52

Тошкентда
234-18-59

Ургандда
(97) 211-65-05

Фарғонада
(73) 244-18-05

Каршида
(93)931-08-99